



Broj: 01-130/19
Vareš, 27.06. 2019. godine

Z A P I S N I K
sa 27. sjednice Općinskog vijeća Vareš,
održane 30.05. 2019. godine

Predsjedavajući OV pozdravio je sve prisutne.

Izvršena je prozivka vijećnika.

Prisutni vijećnici: Mirnes Ajanović, Adis Čizmo, Dženan Džafo, Ilhana Fatić, Nermin Hrvat, Kenan Kamenjaš, Demo Kevrić, Lidija Miletović Berberović, Mario Mirčić, Safeta Muftić, Anel Muftić, Nedžad Mušanović, Kruno Riđić, Branko Romić, Elvir Rožajac, Igor Šimić i Nikola Šimić.

Odsutni: Emir Islamović i Fadila Turki.

Adis Čizmo – predsjedavajući Općinskog vijeća Vareš konstatuje da Vijeće može raditi jer ima kvorum za rad sjednice.

Predsjedavajući OV otvorio je 27. sjednicu s početkom u 14,00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnik Općinskog načelnika – gosp. Ibrahim Spahić, rukovodilac JURA – gosp. Rusmir Berberović, zamjenik općinskog pravobranilaštva – Damir Arnautović, ispred Službe za privredu, finansije i trezor – Boro Anđić i Stela Andrić, direktor i predsjednik UO JU Dom zdravlja Vareš – gosp. Fikret Operta i gosp. Adis Hrvat, direktor i predsjednica Skupštine JP „Veterinarska stanica“ d.o.o Vareš – gosp. Suljo Abadžija i gosp. Jadranka Radoš, direktorica JPU „Dječije obdanište“ Vareš – gosp. Enisa Mušić, zastupnica u Parlamentu FBiH – gosp. Jasminka Ibrišimović, predsjednici političkih partija i predstavnici medija.

Predsjedavajući OV pozdravio je zastupnicu u Parlamentu FBiH gospođicu Jasminku Ibrišimović i u svoje lično ime i u ime Općinskog vijeća Vareš poželio joj uspješan rad.

Sekretar OV Leon Pavlović izvijestio je Vijeće o zaključcima i odgovorima na postavljena vijećnička pitanja sa 26. sjednice OV održane 29.04.2019. godine. Na 26. sjednici donesen je jedan (1) zaključak koji je u toku realizacije. Postavljeno je devet (9) vijećničkih pitanja. Na sva pitanja usmeno je odgovorio Općinski načelnik na samoj sjednici, isti odgovori su dostavljeni i pismeno podnosiocima vijećničkih pitanja.

Sekretar OV čestitao je svim vjernicima islamske vjeroispovijedi Bajram.

Predsjedavajući OV je konstatovao da Općinski načelnik Zdravko Marošević trenutno nije prisutan na sjednici i da će Vijeće izvijestiti o aktuelnim pitanjima u toku sjednice.

(Vijećnička pitanja)

Elvir Rožajac

1. Postoji li mogućnost da se nešto uradi povodom uništavanja puta Šimin Potok–Ravne? O istom je dao pojašnjenje. U Općini postoji služba koja obilazi puteve da li bi oni mogli nešto uraditi ?
2. Građani Vareša pitaju da li postoji mogućnost kontrole tereta kamiona kamenoloma i drveta kroz grad, primijećena su ulegnuća na glavnoj cesti ?

Kruno Ridić

3. Iznad crkve u Vareš Majdanu postoje stepenice koje idu duž naselja, međutim u toku noći nema nikakvog osvjetljenja, nema rukohvata, nedostaju komadi stepenica. Možemo li gospodine Načelnice uraditi nešto povodom toga? (Traži pismeni odgovor jer trenutno na sjednici nije prisutan Općinski načelnik).
4. Kada ćemo i da li ćemo aktivirati fontanu u gradu ?

Mirnes Ajanović

5. Građani postavljaju pitanja o finansiranju brojnih udruženja i nevladinih organizacija iz budžeta Općine Vareš, smatrajući da nema dovoljno informacija i transparentnosti , posebno udruženja koja nemaju dovoljno rezultata u svom radu. Može li se Načelnik ponovo očitovati u vezi ovog pitanja ?
6. Građani problematiziraju defektologa i logopeda u osnovnim školama, po saznanjima građana taj posao obavljaju nedovoljno stručne osobe. Može li Načelnik reći nešto povodom toga ?

(uputio je sugestiju predsjedavajućem OV ako postoji mogućnost da se u radu sjednica OV odvoji vrijeme kako bi vijećnici mogli uputiti eventualna pitanja, prijedloge i sugestije kantonalnim zastupnicama i federalnoj zastupnici koje prisustvuju na sjednicama OV Vareš)

(Predsjedavajući OV izjavio je da u dogovoru sa zastupnicama može se iznaći način u vezi iznesene sugestije)

Dženan Džafo

7. U kojoj fazi je realizacija postavljanja saobraćajnog znaka (dozvoljena nosivost) na relaciji Budoželje - Pajtov Han ? O istom je dao pojašnjenje.

8. Da li zajedničkim snagama možemo izvršiti sanaciju ili izgradnju novog izletišta Ponikve, da izgradimo izletišta po mjeri ? O istom je dao pojašnjenje.

Džemo Kevrić

9. U ime jednog mještana iz Slavina postavio pitanje: Kada će se raditi betoniranje dijela puta?
10. Zamolio bih predstavnike Šumarstva Vareš da tamo gdje izvode radove, pridržavaju se rokova i protokola oko izvršenja i namirivanja šteta. O istom je dao pojašnjenje.

Predsjedavajući OV pozvao je Općinskog načelnika da Vijeće izvijesti o aktuelnim pitanjima i odgovori na postavljena vijećnička pitanja.

Općinski načelnik dao je usmene odgovore na neka postavljena vijećnička pitanja na samoj sjednici.

Predsjedavajući OV stavio je na raspravu Zapisnik sa 26. sjednice OV.

Nije bilo primjedbi i predsjedavajući OV stavio je na izjašnjavanje Zapisnik sa 26. sjednice OV i nakon izjašnjavanja vijećnika konstatuje da je **jednoglasno sa (17 glasova „ZA“) usvojen Zapisnik sa 26. sjednice OV.**

Predsjedavajući OV stavio je na raspravu prijedlog dnevnog reda za 27. sjednicu OV koji je usaglašen na Kolegiju Općinskog vijeća.

Predsjedavajući OV predložio je dopunu dnevnog reda sa tačkom 1. „Prijedlog Odluke o načinu i uslovima raspolaganja nekretninama-javne prodaje izgrađenog građevinskog zemljišta (turističko-rekreacioni centar „Doli“). Ostale tačke se pomjeraju za jedno mjesto.

Prijedlog za dopunu stavljen je na izjašnjavanje i nakon izjašnjavanja vijećnika predsjedavajući OV konstatuje da je **jednoglasno sa (17 glasova „ZA“) usvojena dopuna dnevnog reda.**

Predsjedavajući OV stavio je na izjašnjavanje prijedlog dnevnog reda 27. sjednice OV sa usvojenom dopunom.

Nakon izjašnjavanja predsjedavajući OV konstatuje da je prijedlog dnevnog reda 27. sjednice OV **jednoglasno sa (17 glasova „ZA“) usvojen sljedeći**

Dnevni red

1. Prijedlog Odluke o načinu i uslovima raspolaganja nekretninama-javne prodaje izgrađenog građevinskog zemljišta (turističko-rekreacioni centar „Doli“).
Izjestilac: Ermin Musa.
2. Izvještaj o radu Općinskog pravobranilaštva Općine Vareš za 2018.godinu
Izjestilac: Damir Arnautović.

3. Izvještaj o radu i poslovanju JP „Veterinarska stanica“ d.o.o. Vareš za 2018.godinu
Izjestilac: Direktor i Skupština JP.
4. Izvještaj o radu JU „Dom zdravlja“ Vareš za 2018. godinu.
Izjestilac: Direktor i UO.
5. Izvještaj o radu i poslovanju JPU „Dječije obdanište Vareš“ u 2018.godini.
Izjestilac: Direktorica i UO.
6. Prijedlog Odluke o prodaji nekretnine radi oblikovanja građevinske parcele.
Izjestilac: Ermin Musa.
7. Izvještaj/Izješće o izvršenju budžeta/proračuna Općine Vareš za period januar/siječanj-mart/ožujak 2019.godine.
Izjestilac: Općinski načelnik.
8. Informacija o ostvarenim prihodima u 2018. godini po osnovu Odluka Općinskog vijeća Vareš.
Izjestilac: Općinski načelnik.
9. Informacija o realizaciji Ugovora o koncesijama za 2018. godinu.
Izjestilac: Ermin Musa.
10. Informacija o obavezama Općine Vareš prema pravnim i fizičkim licima.
Izjestilac: Općinski načelnik.
11. Informacija o aktivnosti Općinskog načelnika po pitanju izmirenja duga Općine Vareš, a po rješenju Kantonalnog poreznog ureda Zenica.
Izjestilac: Općinski načelnik
12. Izvještaj o realizaciji Strategije integriranog razvoja Općine Vareš za 2018.godinu
Izjestilac: Rusmir Berberović.
13. Tekuća pitanja.

Ad. 1.

(Prijedlog Odluke o načinu i uslovima raspolaganja nekretninama-javne prodaje izgrađenog građevinskog zemljišta (turističko-rekreacioni centar „Doli“)

Komisija za statutarna pitanja i propise na 18. sjednici održanoj 27.05.2019. godine jednoglasno je donijela sljedeći Zaključak:

- Komisija nema primjedbi na Prijedlog Odluke, te istu upućuje Vijeću na razmatranje.

Otvorena je rasprava u kojoj su učestvovali vijećnik Elvir Rožajac i Općinski načelnik Zdravko Marošević koji je dao pojašnjenje za ovu tačku dnevnog reda.

Zaključena je rasprava i predsjedavajući OV stavio je na izjašnjavanje Prijedlog Odluke o načinu i uslovima raspolaganja nekretninama-javne prodaje izgrađenog građevinskog zemljišta (turističko-rekreacioni centar „Doli“).

Nakon izjašnjavanja vijećnika predsjedavajući OV konstatuje da je **jednoglasno (sa 17 glasova „ZA“)** usvojena

Odluka o načinu i uslovima raspolaganja nekretninama-javne prodaje izgrađenog građevinskog zemljišta (turističko-rekreacioni centar „Doli“)

Ad. 2.

*(Izveštaj o radu Općinskog pravobranilaštva
Općine Vareš pravobranilaštvo za 2018. godinu.)*

Otvorena je rasprava u kojoj je učestvovao vijećnik Kruno Riđić koji je iznio svoje mišljenje, postavio pitanja u vezi određenih podataka u Izveštaju i predložio da Vijeće donese zaključak kojim bi se obavezao Načelnik i pravobranilac da se pokrenu tužbe bez izuzetaka prema svim dužnicima. Općinski načelnik Zdravko Marošević u svom obraćanju iznio je mišljenje i stav u vezi rada Općinskog pravobranilaštva i naglasio da u radu pravobranilaštva nema izuzetaka kad je zakon u pitanju. O istom je dao pojašnjenje.

Zaključena je rasprava i predsjedavajući OV stavio je na izjašnjavanje Izveštaj o radu Općinskog pravobranilaštva Općine Vareš za 2018. godinu.

Nakon izjašnjavanja vijećnika predsjedavajući OV konstatuje da je **jednoglasno (sa 17 glasova „ZA“)** usvojen

***Izveštaj o radu Općinskog pravobranilaštva
Općine Vareš za 2018. godinu.***

Ad.3.

*(Izveštaj o radu i poslovanju
JP Veterinarska stanica d.o.o. Vareš za 2018. godinu.)*

Otvorena je rasprava u kojoj su svoje stavove, mišljenja i pitanja iznijeli vijećnici: Mirnes Ajanović, Nedžad Mušanović, Kruno Riđić, Safeta Muftić i Đemo Kevrić.

Predsjedavajući OV na osnovu diskusije vijećnika Đeme Kevrić u vezi izrade Izveštaja podsjetio je prisutne da postoji Odluka o metodologiji izrade Izveštaja o radu javnih preduzeća i javnih ustanova.

Općinski načelnik Zdravko Marošević u svom obraćanju dao je komentar na iznesene diskusije vijećnika u raspravi. Izjavio je da Općina Vareš prilikom davanja poljoprivrednih poticaja, iste će prioritetno davati licima koja su pod našom garancijom. O istom je dao pojašnjenje. Također je skrenuo pažnju na potrebnu sanaciju krovne konstrukcije JP Veterinarska stanica d.o.o. Vareš i izjavio da će Općina Vareš preuzeti svoje obaveze kao Osnivač prema javnim preduzećima i javnim ustanovama.

Direktor gosp. Suljo Abadžija u svom obraćanju dao je dodatno pojašnjenje i odgovorio na postavljena pitanja vijećnika (zatezne kamate navedene u Izveštaju, cijene veterinarskih usluga, efekat umjetnog osjemenjavanja i sl.).

Zaključena je rasprava i predsjedavajući OV stavio je na izjašnjanje Izvještaj o radu i poslovanju JP Veterinarska stanica d.o.o. Vareš za 2018. godinu.

Nakon izjašnjanja vijećnika predsjedavajući OV konstatuje da je **jednoglasno sa (17 glasova „ZA“) prihvaćen**

***Izveštaj o radu i poslovanju
JP Veterinarska stanica d.o.o. Vareš za 2018. godinu.***

Ad.4.

(Izveštaj o radu JU „Dom zdravlja“ Vareš za 2018. godinu.)

Otvorena je rasprava u kojoj su svoje stavove, mišljenja i pitanja iznijeli vijećnici: Mirnes Ajanović, Kruno Riđić, Elvir Rožajac, Ilhana Fatić i Đemo Kevrić. Predsjedavajući OV Adis Čizmo u svojstvu uposlenika JU Dom zdravlja Vareš dao je odgovore na neka postavljena pitanja vijećnika i dodatna pojašnjenja.

U daljnjoj raspravi su učestvovali vijećnici: Mirnes Ajanović (predložio uz dato pojašnjenje da se organizuje sastanak na kome bi bili prisutni Općinski načelnik, direktor JU Dom zdravlja Vareš i svi kompetentni u vezi iznalaženja strateškog rješenja osiguranja liječenja građana općine Vareš u Sarajevu), Safeta Muftić i Općinski načelnik Zdravko Marošević (iznio je svoje mišljenje u vezi prijedloga vijećnika Mirnesa Ajanović i podsjetio da je po tom pitanju Vijeće i ranije provodilo aktivnosti i naglasio da je ključni problem u vezi rješavanja istog pripadnost općine Vareš ZDK i volja Kantona Sarajevo da naši građani sve zdravstvene usluge ostvaruju u KC Sarajevo, o istom je dao pojašnjenje).

Direktor JU „Dom zdravlja“ Vareš gosp. Fikret Operta u svom obraćanju zahvalio se svima na diskusijama. Dao je dodatna pojašnjenja u vezi poslovanja javne ustanove i Izvještaja koji se odnosi na finansijsko poslovanje i upoznao je prisutne sa planiranim aktivnostima javne ustanove u vezi reorganizacije rada JU „Dom zdravlja“ Vareš.

Zaključena je rasprava i predsjedavajući OV stavio je na izjašnjanje Izvještaj o radu JU „Dom zdravlja „ Vareš za 2018. godinu.

Nakon izjašnjanja vijećnika predsjedavajući OV konstatuje da je **sa 15 glasova „ZA“ i 2 „SUZDRŽANA“ glasa prihvaćen**

Izveštaj o radu JU „Dom zdravlja“ Vareš za 2018. godinu.

Ad.5.

*(Izveštaj o radu i poslovanju
JPU „Dječije obdanište Vareš“ u 2018. godini)*

Otvorena je rasprava u kojoj su svoje stavove i mišljenja iznijeli vijećnici: Elvir Rožajac, Kruno Riđić, Ilhana Fatić i Mirnes Ajanović.

Zaključena je rasprava i predsjedavajući OV stavio je na izjašnjanje Izvještaj o radu i poslovanju JPU „Dječije obdanište Vareš“ u 2018. godini.

Nakon izjašnjavanja vijećnika predsjedavajući OV konstatuje da je **jednoglasno (sa 16 glasova „ZA“)** (odsutan vijećnik Kenan Kamenjaš) **prihvaćen**

***Izveštaj o radu i poslovanju
JPU „Dječije obdanište Vareš“ u 2018. godini.***

Ad.6.

(Prijedlog Odluke o prodaji nekretnine radi oblikovanja građevinske parcele.)

Komisija za statutarna pitanja i propise na 18. sjednici održanoj 27.05.2019. godine jednoglasno je donijela sljedeći Zaključak:

- Komisija nema primjedbi na Prijedlog Odluke, te istu upućuje Vijeću na razmatranje.

Otvorena je rasprava u kojoj je učestvovali vijećnici Elvir Rožajac, Mario Mirčić i predsjedavajući OV Adis Čizmo.

Zaključena je rasprava i predsjedavajući OV stavio je na izjašnjavanje Prijedlog Odluke o prodaji nekretnine radi oblikovanja građevinske parcele.

Nakon izjašnjavanja vijećnika predsjedavajući OV konstatuje da je **jednoglasno sa (15 glasova „ZA“)** (odsutni vijećnici Kenan Kamenjaš i Mirnes Ajanović) **usvojena**

Odluka o prodaji nekretnine radi oblikovanja građevinske parcele.

Ad.7.

*(Izveštaj/Izvešće o izvršenju budžeta/proračuna Općine Vareš
za period januar/siječanj-mart/ožujak 2019. godine.)*

Komisija za privredu, finansije i budžet na 15. sjednici održanoj 27.05.2019. godine jednoglasno je donijela sljedeći Zaključak:

- Komisija prihvata Izveštaj/Izvešće budžeta/proračuna Općine Vareš za period januar/siječanj – mart/ožujak 2019. godine i upućuje ga Vijeću na razmatranje uz konstataciju da su troškovi po pojedinim stavkama smanjeni ali da i dalje treba raditi na smanjenju pojedinih rashoda i provoditi mjere štednje.

Ispred predlagača Boro Anđić upoznao je prisutne sa tehničkim greškama u Izveštaju.

Otvorena je rasprava u kojoj su svoje stavove, pitanja i mišljenja iznijeli vijećnici: Kruno Ridić, Ilhana Fatić i Općinski načelnik Zdravko Marošević koji je dao dodatna pojašnjenja u vezi prihoda koji se odnose na više nivoe vlasti.

Boro Anđić dao je pojašnjenje u vezi poreza naglašavajući da na poreze, Općina Vareš ne može uticati jer je to u nadležnosti kantona.

Zaključena je rasprava i predsjedavajući OV stavio je na izjašnjavanje Izveštaj/Izvešće o izvršenju budžeta/proračuna Općine Vareš za period januar/siječanj-mart/ožujak 2019. godine.

Nakon izjašnjavanja vijećnika predsjedavajući OV konstatuje da je **jednoglasno (sa 17 glasova „ZA“)** usvojen

***Izveštaj/Izvešće o izvršenju budžeta/proračuna
Općine Vareš za period januar/siječanj-mart 2019. godine.***

Ad.8.

*(Informacija o ostvarenim prihodima u 2018. godini
po osnovu Odluka Općinskog vijeća Vareš.)*

Komisija za privredu, finansije i budžet na 15. sjednici održanoj 27.05.2019. godine jednoglasno je donijela sljedeći Zaključak:

- Komisija nema primjedbi na Informaciju i prima je k znanju.

Nije bilo rasprave po ovoj tački dnevnog reda i predsjedavajući OV uz **Zaključak konstatuje da je Vijeće primilo k znanju**

***Informaciju o ostvarenim prihodima
po osnovu Odluka Općinskog vijeća Vareš.***

Ad.9.

(Informacija o realizaciji Ugovora o koncesijama za 2018. godinu.)

Otvorena je rasprava u kojoj je učestvovao vijećnik Kruno Riđić i Općinski načelnik Zdravko Marošević koji je odgovorio na postavljena pitanja vijećnika, dao dodatno pojašnjenje i upoznao prisutne o planiranim aktivnostima firme BBM d.o.o. Vareš.

Zaključena je rasprava i predsjedavajući OV uz **Zaključak konstatuje da je Vijeće primilo k znanju**

Informaciju o realizaciji Ugovora o koncesijama za 2018. godinu.

Ad.10.

(Informacija o obavezama Općine vareš prema pravnim i fizičkim licima.)

Nije bilo rasprave po ovoj tački dnevnog reda i predsjedavajući OV uz **Zaključak konstatuje da je Vijeće primilo k znanju**

Informaciju o obavezama Općine Vareš prema pravnim i fizičkim licima.

Ad.11.

(Informacija o aktivnostima Općinskog načelnika po pitanju izmirenja duga Općine Vareš, a po rješenju Kantonalnog poreznog ureda Zenica.)

Nije bilo rasprave po ovoj tački dnevnog reda i predsjedavajući OV **uz Zaključak konstatuje da je Vijeće primilo k znanju**

Informaciju o aktivnostima Općinskog načelnika po pitanju izmirenja duga Općine Vareš, a po rješenju Kantonalnog poreznog ureda Zenica.

Ad.12.

(Izveštaj o realizaciji Strategije integriranog razvoja Općine Vareš za 2018. godinu.)

Otvorena je rasprava u kojoj je učestvovao vijećnik Kruno Ridić i iznio svoje mišljenje u vezi razvoja općine Vareš sa akcentom na potrebu uvođenja određenih kadrova u obrazovanju.

Zaključena je rasprava i predsjedavajući OV stavio je na izjašnjavanje Izveštaj o realizaciji Strategije integriranog razvoja Općine Vareš za 2018. godinu.

Nakon izjašnjavanja vijećnika predsjedavajući OV konstatuje da je **jednoglasno (sa 16 glasova „ZA“)** (odsutna vijećnica Ilhana Fatić) **usvojen**

Izveštaj o realizaciji Strategije integriranog razvoja Općine Vareš za 2018. godinu.

Ad.13.

(Tekuća pitanja)

Predsjedavajući OV upoznao je prisutne sa pristiglom poštom:

1. Dopis-Urgencija za postupanje po Zaključcima Skupštine (dugovanje po osnovu zimskog održavanja), broj: 354-05/19 od 29.05. 2019. godine dostavljena od JKP d.o.o. Vareš.

Općinski načelnik Zdravko Marošević očitovao se po ovom dopisu i u svom obraćanju iznio je određena rješenja za izmirenje dugovanja.

2. Zahtjev za rješavanje prostorija za rad MZ Kadarići od 14.05.2019. godine.

Općinski načelnik Zdravko Marošević u svom obraćanju izjavio je da će po ovom zahtjevu biti u kontaktu sa predsjednikom MZ i iznaći najpovoljnije rješenje kako bi mjesna zajednica dobila prostorije za rad.

3. Zahtjev stanara stambenog objekta „E2“ ul. Zvijezda br. 19 Vareš od 23.05.2019. godine koji se odnosi na parking prostor ispred navedenog objekta a u vezi Odluke o izmjeni Odluke o utvrđivanju površina za parkiranje motornih vozila.

Predsjedavajući OV podsjetio je prisutne da je urađen Nacrt Odluke o utvrđivanju površina za parkiranje motornih vozila (2015. god.) ali nikad nije bila ponuđena Vijeću u formi prijedloga Odluke.

Općinski načelnik Zdravko Marošević u svom obraćanju izjavio je da općina Vareš ima veliki problem sa parking prostorom i o istom je iznio svoje mišljenje. Radit će se na izmjeni Odluke o utvrđivanju površina za parkiranje motornih vozila i kod donošenja iste predlagač će uzeti u obzir sugestije iz Zahtjeva stanara stambenog objekta „E2“.

4. Zaključci sa 13. sjednice Savjeta MZ Dragovići broj: 06-04-Z/19 od 29.04.2019. godine, dostavljeni od Savjeta MZ Dragovići.

5. Inicijativa o zaustavljanju rada nelegalnih pojedinaca i grupa u ime i za ulogu Savjeta MZ u korespondenciji sa organima općinske vlasti, broj: 07-04-Z/19 od 30.04.2019. godine, dostavljena od Savjeta MZ Dragovići

Općinski načelnik Zdravko Marošević u vezi dostavljenih dopisa Savjeta MZ Dragovići izjavio je da razumije i poštuje zahtjeve i probleme MZ (određene potrebne radove), ali da i ostale mjesne zajednice na području općine Vareš imaju slične potrebe i da se nastoji u skladu sa mogućnostima Općine Vareš izaći u susret svim mjesnim zajednicama. Naglasio je da Savjeti svih mjesnih zajednica koje je verificiralo Vijeće su zvanični partneri sa Općinom Vareš, ali da svi mještani mjesnih zajednica imaju pravo obratiti se Općinskom načelniku, predsjedavajućem ili vijećniku OV ako imaju potrebu za tim.

Vijećnik Kruno Ridić u svom obraćanju sugerisao je da predstavnici Vijeća posjete mjesne zajednice kako bi se upoznali sa njihovim potrebama.

Predsjedavajući OV Adis Čizmo u svoje lično ime i u ime Općinskog vijeća uputio je čestitke svim vjernicima islamske vjeroispovijedi Bajram.

Općinski načelnik Zdravko Marošević uputio je čestitke svim vjernicima islamske vjeroispovijedi Bajram.

Sastavni dio ovog Zapisnika je audio zapis sjednice.

Sjednica je završena u 17,45 sati.

SEKRETAR

Leon Pavlović

ZAPISNIČAR

Azra Pijadžer

***PREDSJEDAVALAČI
OPĆINSKOG VIJEĆA***

Adis Čizmo